



Inatsisartunut ilaasortaq,
Michael Rosing, Attaviitsoq
Maani/

§ 37 naapertorlugu apeqqummut nr. 222-mut akissut

Ulloq: 29-09-2017
Sullap normua: 2017 - 21730
Akt nr.: 6260665

Inatsisartut suleriaasissaanni § 37, imm. 1 naapertorlugu aalisarneq pillugu inatsisissatut siunnersuummut tunngatillugu Naalakkersuisunut apeqquteqaateqarsimavutit. Apeqqut uanga suliaasaqarfisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqut 1: Aningaasatigut kingunissat pillugu naatsorsuutininik peqarpa aamma taakkununga naatsorsuutininut tunngaviit kingumoortut suuppat aamma aningaasarsiorinikkut misissuinerit taakku aalisarnermut inatsisissamut nutaamut siunnersuummi tunngavigineqarsimappata taava sunamita pissutaava Naalakkersuisut taakku pillugit allattugaatit piniarnerannut itigartitsimmata?

Apeqqut 1-imut akissut

Aalisarneq pillugu inatsisip misissorneranut aningaasaqarnikkut kingunerisassanut naatsorsuinerit peqqissaarussat tunngavigineqarmata Naalakkersuisunit erseqqissaatigissallugu pingaaruteqarpoq. Aalisarneq Kalaallit Nunaanni inuussutissarsiutit pingaarnersaraat, inatsisinillu atuuttunik allannguisoqassappat paasissutissatigut tunngavissaqarluarnissaq pigisariaqarpoq. Taamatut aalajangiinissamut tunngaviliinissaq peqqissaarussamik kingunerisassanut naatsorsuuteqarnissaq pissusissamisoortut Naalakkersuisut isigaat.

Naalakkersuisut naatsorsuinerit suut tunngavigineqarsimanersut taaniangilaat. Tamatumunnga siunnersuutip Inatsisartunut suli saqqummiunneqarsimannginnera, taamaalillunilu suli piareersarneqarmat pissutaapput. Siunnersuutip Inatsisartunut saqqummiunneqannginnerani naalakkersuinerit aalajangiiniarnissami pisariaqartumik eqqissilluni sulinissaq pisariaqartinneqarpoq. Tamannalu aamma tunngavigalugu sulianik takunnissinnaatitaaneq pillugu qinnuiginninneq itigartinneqarpoq. Sulianik takunnissinnaatitaaneq inatsisinik piareersaalluni suliaqartoqarnerani atuutinngilaq, takuuk Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9, 13. juni 1994-imeersumi § 2, imm. 1, 2. imm. oqaaseqatigitiit aappaat.

Apeqqut 2: Ataatsimiititaliap inuussutissarsiortunik oqaloqateqaqqusinera Naalakkersuisut malissimanerlugu, tassami Inatsisartut Inatsisaanni nr. 5-mi 21. maj 2002-meersumi agguaassinermit tunngaviit allanngortinneqarput tassani avataasiortunut sinerissamullu qanittumi aalisartunut TAC-p agguarneqartarnera allanngortinneqarpoq 2001-mi decembarimi KNAPK aamma APK-p isumaqatigiissuteqarnerat tunngavigalugu?

Apeqqu 2-mut akissut:

Aap, ataatsimiitaliap kaammattuinera Naalakkersuisut malissimavaat. Naalakkersuisut inuussutissarsiortunik arlaleriarlutik oqaloqateqartarsimapput. 2015-16-imi aalisarnermik inuussutissarsiuteqartut peqatigalugit suleqatigiissitamik ukunannga peqataaffigineqartumik pilersitsisoqarpoq:

- Kalaallit Nunaanni Sulisitsisut
- KNAPK
- SIK
- KANUKOKA
- NUSUKA
- Royal Greenland A/S
- Polar Seafood A/S

Naalakkersuisoqarfimmi 2015 aamma 2016-imi ataatsimiinnerit annertuut ingerlanneqarput. Immikkoortuniit arfineq-marluusunit immikkoortut sisamat tamakkiisumik isumaqataaffigineqarput. Immikkoortut isumaqataaffigineqartut tassaapput: ataqatigiissitsilluni aalisarneq, umiatsiaaqqanik qalerallinniarnermi pisassiissutinik niueruteqarsinnaaneq, misileraalluni aalisarneq aamma aalisarnermi nutaaliorneq. Immikkoortut pingasut isumaqatigiinngissutaasut tassaapput: Avataasiarluni qalerallinniarnermi pisassiissutinik niueruteqarsinnaaneq, raajarniarnermi piginnittuunermit killiliinerit aamma aningaasaliinerit nunanit allaneersut.

Oqaloqatiginninnerilli inuussutissarsiortuinnarnut killeqartinneqarsimangimmat, soqutigisaqartulli aamma peqataatinneqarsimammata erseqqissaatigissallugu pingaaruteqarpoq, peqataasullu allat tassaapput kommunit, biologit, eqqartuussissuserisut kiisalu naalakkersuisoqarfiit aqutsisoqarfiillu attuumassutillit. Taamatut ingerlatalinnik peqataatitsineq inatsisilliornermi qitiusumik ilaalluinnartut Naalakkersuisunit isumaqarfigineqarpoq. Oqaloqatigiittarnerit ingerlajuarsimapput, inatsisissatut siunnersuutip suliarilinniginnerani suleqatigiissitanik aallartilluni, kinguneratigullu tusarniaanermut akissutit.

Apeqqu 3: Taarsiiffigitinnissamut inatsisinut tunngatillugu aalisarnermut inatsisip nassataanik ajornartorsiutaalersinnaasut Naalakkersuisut illup iluani ungataaniittunulluunniit inatsisilerituunut nalilersortissimanerlugit taamaassimappallu taarsiiffigeqqulluni piumasaqaatit qanoq annertutigisinnaasut eqqartorneqarpat?

Apeqqu 3-mut akissut:

Taarsiissuteqarnissanut inatsisitigut ajornartorsiutinngorsinnaasut Naalakkersuisut avataaneersunit inatsisitigut naliliffigitissimavaat. Taamatut naliliinerup imarisai erseqqinnerusut paasissutissiissutigineqarsinnaanngillat, takuuk Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9, 13. juni 1994-imeersumi § 10, imm. 1, nr. 4, taakkunanilu oqartussat immikkut iisimasalinnik allaqateqarsinnaanerit pineqarpoq.

Inussiarnersumik Inuulluaqqusillunga



Karl-Kristian Kruse

Aalisarnermut Piniarnermullu Naalakkersuisoq

26. september 2017

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit Aalisarnermut Inatsimmut siunnersuut pillugu:

Tamanna tunngavigalugu makkunannga Naalackersuisunut apeqquteqassaanga:

1. Aningaasatigut kingunissat pillugu naatsorsuutit peqarpa aamma taakkununga naatsorsuutit tunngaviit kingumoorut suuppat aamma aningaasarsiornikkut misissuinerit taakku aalisarnermut inatsissamut nutaamut siunnersuummi tunngavigineqarsimappata taava sunamita pissutaava Naalackersuisut taakku pillugit allattugaatit piniarnerannut itigartitsimmata?

2. Ataatsimiititaliap inuussutissarsiortunik oqaloqateqaqqusinera Naalackersuisut malissimanerlugu, tassami Inatsisartut Inatsisaanni nr. 5-mi 21. maj 2002-meersumi agguaassineri tunngaviit allanngortinneqarput tassani avataasiortunut sinerissamullu qanittumi aalisartunut TAC-p agguarneqartamara allanngortinneqarpoq 2001-mi decembarimi KNAPK aamma APK-p isumaqatigiissuteqarnerat tunngavigalugu.

3. Taarsiiffigitinnissamut inatsisinut tunngatillugu aalisarnermut inatsisip nassataanik ajornartorsiutaalersinnaasut Naalackersuisut illup iluani ungataasiittunulluunniit inatsisilerituunut nalilersortissimanerlugit taamaassimappallu taarsiiffigeqqulluni piumasaqaatit qanoq annertutigisinnaasut eqqartorneqarpat?

Tunuliaqutaa

Aalisarnermut Inatsit nutaq tusarniutigalugu nassiunneqarnikuuvoq naak aningaasatigut kingunissai kiisalu taarsiivigineqarsinnaanermut inatsisit atorneqarsinnaasut inatsissatut siunnersuummi tunngavigineqartut pillugit tusarniavigineqartut/innuttaasut paasitinneqarnikuunngikkaluartut. Ilaatigut Aalisarnermut, Piniarnermut Nunalerinermullu Ataatsimiititaliap isumaliutissiissutaani UPA 2017/115-mi erseqqissarneqarpoq pingaaruteqartoq Aalisarnermut Inatsisip allanngortinneqarnissaa aningaasatigut kingunissat pillugit naatsorsuutit tunngavigalugit. Tamatuma saniatigut Ataatsimiititaliap Naalackersuisut kaammattornikuuai soqutigisaqaqatigiit kiisalu aningaasaliisartut attuumassuteqartut akuliuteqqullugit kiisalu siunertaq taamatullu suliap imai ammasumik pissuseqarfigineqassasut.

Ataatsimiititaliap isumaliutissiissutaani piumasarineqarpoq inatsisip aningaasatigut kingunissai uppermarsarneqassasut "sukumiisumik misissuinikkut". Aamma isumaliutissiissuummi tassani takuneqarsinnaavoq, inatsissatut siunnersuummut nassuiaat suliarineqarsimasoq - imaluunniit suliarineqassasoq.

Tassunga ilanngullugu Ataatsimiititap maluginiarpaa manna "Tassunga atatillugu ataatsimiititaliap eqqaamallaqquaa, avataasiortunik umiarsuaatileqatigiit agguaasseriaatsip allanngortinneqaratarsinnaaneranut qanoq qisuariarnissaat siunnersuutip uuma nalornissutigineqarneranut attuumassuteqarunarmat. Tassunga atatillugu ataatsimiititaliap oqaatigerusuppaa, agguaasseriaatsip allanngortinneqarneratigut avataasiortunik umiarsuaatileqatigiit qanoq qisuariarnissaat siunnersuut pillugu nakorninermut ataatsimut isigalugu annertuumik attuumassuteqarpasimmat. Tamanna ima paasineqassaaq, tamatuma malitsigisaanik kingornatigut sunniutaasussat pillugit imaassinnaasoq aningaasatigut taarsiiffigineqarnissaaq pillugu Namminersorlutik Oqartussat eqqartuussivimmuut tunniunnissaat umiarsuaatileqatigiimmit toqqarneqarmat. Taamaattumik ataatsimoortumik isumaqatigiissuteqarsinnaaneq iluaqutaalluarsinnaagaluarpoq - soorlu aallaqqaammut 2001-mi isumaqatigiissutigineqarsimasutut - tassuunakkut agguaasseriaatsip allanngortinnissaa pillugu Namminersorlutik Oqartussat inuussutissarsiortullu ataatsimoorussamik siammasissumik isumaqatigiissuteqarsinnaammata.

Ataatsimiititaliap UPA2015/19-mili Naalakkersuisut "Raajanut qaleralinnullu akuersissutit killeqanngitsumik piffissalerlugit pigineqartarnerisa aalisarneq pillugu Inatsisartut inatsisaat nr. 18, 31. oktober 1996-imeersumi § 14 atorlugu ukiunik tallimanik sioqqutsisumik ilimasaaruteqarnikkut killilerneqartalersinnaaneranut pillugu - aningaasaqarnikkut kinguneqaatissat ilanngullugit - misissuineramik saqqummiussinissamut Naalakkersuisut siunnersuutikkut peqquaat"

UPA2017/115 aqquutigalugu Ataatsimiititaliap isornartorsiorpaa, misissuinissap tamatumap piviusunngortinneqarsimanninnera.

Aalisarnermut Inatsit nutaaq tusarniutigalugu nassiunneqarnikuuvoq naak aningaasatigut kingunissai kiisalu taarsiivigineqarsinnaanermut inatsisit atorneqarsinnaasut inatsisissatut siunnersuummi tunngavigineqartut pillugit tusarniaavigineqartut/innuttaasut paasitinneqarnikuunngikkaluartut. Ilaatigut Aalisarnermut, Piniarnermut Nunalerinermullu Ataatsimiititaliap isumaliutissiisutaani UPA 2017/115-mi erseqqissarneqarpoq pingaaruteqartoq Aalisarnermut Inatsisip allanngortinneqarnissaa aningaasatigut kingunissat pillugit naatsorsuutit tunngavigalugit. Tamatuma saniatigut Ataatsimiititaliap Naalakkersuisut kaammattornikuuai soqutigisaqaqatigiit kiisalu aningaasaliisartut attuumassuteqartut akuliuteqqullugit kiisalu siunertaq taamatullu suliap imai ammasumik pissuseqarfigineqassasut.

Ataatsimiititaliap isumaliutissiisutaani piumasarineqarpoq inatsisip aningaasatigut kingunissai uppemarsarneqassasut "sukumiisumik misissuinikkut". Aamma isumaliutissiisummi tassani takuneqarsinnaavoq, inatsisissatut siunnersuummut nassuiaat suliarineqarsimasoq - imaluunniit suliarineqassasoq.

Tassunga ilanngullugu Ataatsimiititaliap maluginiarpaa manna *"Tassunga atatillugu ataatsimiititaliap eqqaamallaqquaa, avataasiortunik umiarsuaatileqatigiit agguaasseriaatsip allanngortinneqaratarsinnaaneranut qanoq qisuariarnissaat siunnersuutip uuma nalornissutigineqarneranut attuumassuteqarunarmat. Tassunga atatillugu ataatsimiititaliap oqaatigerusuppaa, agguaasseriaatsip allanngortinneqarneratigut avataasiortunik umiarsuaatileqatigiit qanoq qisuariarnissaat siunnersuut pillugu nakorninermut ataatsimut isigalugu annertuumik attuumassuteqarpassimat. Tamanna ima paasineqassaaq, tamatuma malitsigisaanik kingornatigut sunniutaasussat pillugit imaassinnaasoq aningaasatigut taarsiiffigineqarnissaaq pillugu Namminersorlutik Oqartussat eqqartuussivimmuut tunniunnissaat umiarsuaatileqatigiinnit toqqarneqarmat. Taamaattumik ataatsimoortumik isumaqatigiissuteqarsinnaaneq iluaqutaalluarsinnaagaluarpoq - soorlu aallaqqaammut 2001-mi isumaqatigiissutigineqarsimasutut - tassuunakkut agguaasseriaatsip allanngortinnissaa pillugu Namminersorlutik Oqartussat inuussutissarsiortullu ataatsimoorussamik siammasissumik isumaqatigiissuteqarsinnaammata.*

Ataatsimiititaliap UPA2015/19-mili Naalakkersuisut *"Raajanut qaleralinnullu akuersissutit killeqanngitsumik piffissalerlugit pigineqartarnerisa aalisarnek pillugu Inatsisartut inatsisaat nr. 18, 31. oktober 1996-imeersumi § 14 atorlugu ukiunik tallimanik sioqqutsisumik ilimasaaruteqarnikkut killilerneqartalersinnaanerat pillugu - aningaasaqarnikkut kinguneqaatissat ilanngullugit - misissuineramik saqqummiussinissamut Naalakkersuisut siunnersuutikkut peqquaat"*

UPA2017/115 aqutigalugu Ataatsimiititaliap isornartorsiorpaa, misissuinissap tamatumap piviusunngortinneqarsimannginnera.